

第二〇四冊

方輿彙編

山川典

渭水部

漢水部

泗水部

江部

(卷)

二天〇

二天二

二天三

二天四

古今圖書集成

中華書局影印

古今圖書集成

卷一百一十五

目錄

卷一百一十五

古今圖書集成

中華書局影印

欽定古今圖書集成方輿彙編山川典

第二百六十卷目錄

渭水部藝文一

泛渭賦

并序

唐白居易

渭水象天河賦

劉珣

渭水貫都賦

衛次公

渭水部藝文二

詩

至渭源

北周滕王道

望渭水

庾信

臨渭源

隋煬帝

奉和臨渭源應詔

薛道衡

奉和春日臨渭水應令

柳顧言

扈從溫泉同紫微黃門羣公汎渭川

唐蘇頌

奉和三日被禊渭濱

徐彥伯

奉和三日被禊渭濱應制

張說

奉和三日被禊渭濱

韋嗣立

前題

李义

上巳日被禊渭濱應制

沈佺期

渭水西別李崱

崔國輔

西過渭州見渭水思秦川

岑參

重到渭上舊居

白居易

渭村雨歸

前人

渭水

金刁白

渭河泛舟

明王九思

赦書坪渡渭

唐龍

渭水部選句

渭水部紀事
渭水部雜錄
渭水部外編

山川典第二百六十卷

渭水部藝文一

并序

唐白居易

右丞相高公之掌貢舉也予以鄉貢進士舉及第

左丞相鄭公之領選部也予以書判拔萃選登科

至十九年天子並命二公對掌鈞軸朝野無事人

物甚安明年春予爲校書郎始徙家於秦中卜居

於渭水上樂時和歲稔萬物得其宜下樂名遂官

閒一身得其所既美二公佐清淨之理又荷二公

垂特達之遇發於嗟嘆流爲詠歌於時泛舟於渭

因作泛渭賦以導其意詞曰

亭亭華山下有人跂望兮愛彼三峰之白雲泛泛

渭水上有舟沿兮沂兮愛此百里之清流以爲我

平之人兮得於斯而優游又感陽春之氣熙熙兮樂

天和而不憂曰予生之幸兮時哉時哉當皇唐受命

之九葉兮乾坤蕩而無氛埃及皇帝繼位之二紀兮

命高與鄭爲鹽梅二賢兮爰立四門兮大開凡讀儒

書與履儒行者率充賦而西來雖片藝而必收兮故

不棄予之小材感再遇于知己心慙作以徘徊登予

名于太常今署予職于蘭臺臺有蘭今闕有芸芸芳

菲今其可襲備一官而無事又不繼而不繫家去省

今百里每三旬而兩入川有渭兮山有華濤悠悠兮

其可賞目白雲兮漱清流且或偃而或仰門去渭兮

百步常一日而三往夜分兮扣舷天無雲兮水無烟

遲遲兮明月波灩澦兮權黃綠日暮兮舟泊草萋萋

兮沙漠漠習習兮春風岸柳動兮渚花落發浩歎以

長引舉濁醪而緩酌春冉冉其將盡予何爲乎不樂

鳥樂兮雲際鳴嚶嚶兮飛翫魚樂兮泉底鬢鱗鱗

兮尾漱漱我樂兮聖代心融融兮神泄泄伊萬物各

得其樂者由賢聖之相契賢致聖于無爲聖致賢于

既濟疑爲和兮聚五福發爲春兮消六沴不我後兮

不我先適當我分生之世彼鱗蟲兮與羽族咸和樂

而不知惠我爲人兮最靈所以愧賢相而荷聖帝樂

乎樂乎浴于渭兮詠而歸聊逍遙以卒歲

渭水象天河賦

爲賦

劉珣

昔我先王肇修人紀乃建邦國以立都鄙或處沃而

稱輿或宅中而爲美周分景臺之測用會陰陽之擬

漢據鵠首之分實爲山河之理故右扶風而左馮翊

距涇川而浮渭水潼函襟帶鄠鄠巍峩下則崇岡于

地險上乃取範于天河城雉周環而斗設宮觀駢牙

而星羅轉曲江于前岸俯翼關于中波車馬誼流渾

派聲之交錯風塵日夕與津霧而相和蓋聖人垂則

追思昔日行感傷故游處插柳作高林種桃成老樹
因驚成人者盡是舊童孺試問舊老人半爲繞村墓
浮生同過客前後遞來去白日如弄珠出沒光不住
人物日改變舉目悲所遇回念念我身安得不哀暮
朱顏銷不歇白髮生無數唯有山門外三峯色如故

渭村雨歸

前人

渭水寒漸落離離蒲稗苗閑傍沙邊立看人刈葦苔
近水風景冷晴明猶寂寥復茲夕陰起野色重蕭條
蕭條獨歸路暮雨濕村橋

渭水

金刁白

渭水秋天白驪山晚照紅行人迷古道老馬識新豐
霜雪滿歸鬢乾坤猶轉蓬愁來成獨酌醉袖障西風

渭河泛舟

明王九思

北渡渭河上南上碧雲峰頭何所有離離多古松
松根白茯苓味若春耐醖食之可飛步飄渺烟霞蹤

赦書坪渡渭

唐龍

渭北津多柳荒荒野色連十家橋外市雙槽峽中船
冰響潛魚聽沙明過鳥憐蹉跎歸色晚風雪又殘年

渭水部選句

後漢馮衍楊節賦序馮子耕于驪山之阿渭水之陰
廢弔問之禮絕遊宦之路眇然有超物之心無偶俗
之志

唐杜牧阿房宮賦渭流漲膩棄脂水也

張說奉和聖製春日幸望春宮應制詩城臨渭水天
河靜

武平一奉和幸韋嗣立山莊詩地若遊汾水畋疑歷
渭濱

盧象駕幸溫泉詩萬國來朝渭水東

王維和僕射晉公扈從溫泉詩天子幸新豐旌旗渭
水東

奉和聖製詩渭水自縈秦塞曲

崔顥渭水少年行詩萬戶樓臺臨渭水五陵花柳滿

秦川

杜甫詩清渭無情極愁時獨向東

韓愈詩灞渭陽春漸

孟郊濟源寒食詩可憐春物亦朝謁唯我孤吟渭水
邊

盧宗回登長安慈恩寺塔詩渭水寒光搖藻井

許渾咸陽城東樓詩故國東來渭水流

劉滄望未央宮詩雲樓欲動入清渭

吳融和人題武城寺詩渭水遠含秋草渡漢陵高枕
夕陽天

張泌題華嚴寺木塔詩一曲晚煙浮渭水半橋斜日
照咸陽

渭水部紀事

史記殷本紀帝武乙無道獵于河渭之間暴雷武乙
震死

詩經大雅文王初載天作之合在洽之陽在渭之涘
文定厥祥親迎于渭造舟爲梁不顯其光

史記太公世家呂尚蓋嘗窮困年老矣以漁釣奸周
西伯西伯將出獵卜之曰所獲非龍非虎非非羆
所獲霸王之輔于是周西伯獵果遇太公于渭之陽
與語大說曰自吾先君太公曰當有聖人適周周以

興子真是邪吾太公望子久矣故號之曰太公望載
與俱歸立爲師

陝西通志周穆王三年地震維渭竭

竹書紀年周孝王八年初牧于汧渭

幽王二年涇渭洛竭

國語幽王三年西周三川皆震註西周鎬京也三川

涇渭汭也地震故三川亦動也

竹書紀年平王十年秦還于汧渭

史記秦本紀非子居犬丘好馬及畜善養息之犬丘
人言之周孝王孝王召使主馬于汧渭之間馬大蕃
息

秦文公以兵七百人東獵四年至汧渭之會曰昔周
邑我先秦嬴于此後卒獲爲諸侯乃十居之占曰吉

即營邑之十年初爲鄜時用三牢

後漢書西羌傳平王之末周遂陵遲戎逼諸夏渭首
有狄獠邦冀之戎

渭南有驪戎

允姓戎遷于渭汭

鞏昌府志周莊王二年與龍峽渭水赤三日凡八里

左傳閔公二年春號公敗犬戎于渭汭舟之僞曰無
德而祿殃也殃將至矣遂奔晉

詩經秦風我送舅氏曰至渭陽註渭水名秦時都雍

至渭陽者蓋東行送之於咸陽之地也

子夏詩序渭陽康公之母也康公之母晉獻公之女
文公遭麗姬之難未反而秦姬卒穆公納文公康公

時爲太子贈送文公于渭之陽念母之不見也我見
舅氏如母存焉及其卽位思而作是詩也

後漢書西羌傳秦獻公初立欲復穆公之迹兵臨渭首滅狄獯戎

史記秦本紀太史公曰悼武王生十九年而立立三年渭水赤三日

始皇本紀諸廟及章臺上林皆在渭南秦每破諸侯寫放其宮室作之咸陽北阪上南臨渭自雍門以東至涇渭殿屋複道周閣相屬所得諸侯美人鐘鼓以充入之

始皇營作朝宮渭南上林苑中先作前殿阿房東西五百步南北五十丈上可以坐萬人下可以建五丈旗周馳爲閣道自殿下直抵南山表南山之顛以爲關爲複道自阿房渡渭屬之咸陽

三輔舊事初秦都渭北渭南作長樂宮橋通二宮間表河以爲秦東門表沂以爲秦西門二門相去八百里渭水貫都以象天河橫橋南渡以象牽牛漢都渭南開北關以臨渭渭北則陵廟所在

三秦記秦始皇作長池引渭水東西二百里南北二十里築土爲蓬萊山刻石爲鯨魚長二百丈

三輔記秦作離宮在渭水南北

史記漢孝文帝本紀孝文皇帝十五年趙人新垣平以望氣見因說上設立渭陽五廟

張釋之傳釋之爲廷尉頃之上行出中渭橋有一人從橋下走出乘輿馬驚于是使騎捕屬之廷尉釋之治問曰縣人來聞蹕匿橋下久之以爲行已過卽出見乘輿車騎卽走耳廷尉奏當一人犯蹕當罰金

漢書武帝本紀元光六年春穿漕渠通渭

史記河渠書鄭當時爲大司農言曰異時關東漕粟

從渭中上度六月而罷而漕水道九百餘里時有難處引渭穿渠起長安並南山下至河三百餘里徑易漕度可令三月罷而渠下民田萬餘頃又可得以溉田此損漕省卒而益肥關中之地得穀天子以爲然令齊人水工徐伯表悉發卒數萬人穿漕渠三歲而通通以漕大便利其後漕稍多而渠下之民頗得以溉田矣

人有上書欲通褒斜道及漕事下御史大夫張湯湯阿其事因言抵蜀從故道故道多阪回遠今穿褒斜道少阪近四百里而褒水通沔斜水通渭皆可以行船漕從南陽上沔入褒褒之絕水至斜間百餘里以車轉從斜下下渭如此漢中之穀可致山東從沔無限便于砥柱之漕且褒斜材木竹箭之饒擬于巴蜀天子以爲然拜湯子卬爲漢中守發數萬人作褒斜道五百餘里道果便近

漢書溝洫志太始二年趙中大夫白公復秦穿渠引涇水首起谷口尾入櫟陽注渭中袤二百里宋書秦漢都西京涇渭水雖不在祀典以近咸陽故盡得比大川之祠

益都耆舊傳漢武帝時蜀張寬爲侍中從祀甘泉至渭橋有女子浴于渭水乳長七尺上怪其異遣問之

女曰帝後第七車知我已知寬在第七車對曰天星主祭祀者齋戒不潔則女人見

漢中士女志元帝當廟祭濟渭欲御樓船御史大夫薛廣德當車免冠乞頸血汚車輪陛下不得廟祭矣帝不悅張猛進曰主聖則臣直今乘船危就橋安聖主不乘危故大夫言之

三輔決錄安陵道者項仲山飲馬渭水每投三錢魏志武帝本紀建安十六年馬超等屯潼關公勅諸將關西兵精悍堅壁勿與戰秋七月公西征與超等夾關而軍公急持之而潛遣徐晃朱靈等夜渡蒲阪津據河西爲營公自潼關北渡未濟超赴船急戰校尉丁斐因放牛馬以餌賊賊亂取牛馬公乃得渡循河爲甬道而南賊退拒渭口公乃多設疑兵潛以舟載兵入渭爲浮橋夜分兵結營于渭南賊夜攻營伏兵擊破之超等屯渭南遣信求割河以西請和公不許九月進軍渡渭

晉書宣帝本紀諸葛亮寇天水帝統車騎將軍張郃等討亮卷甲晨夜赴之亮望塵而遁帝曰吾倍道疲勞此曉兵者之所貪也亮不敢據渭水此易與耳進次漢陽與亮相遇

青龍二年亮帥衆十餘萬出斜谷壘于郿之渭水南原天子憂之遣征蜀護軍秦朗督步騎二萬受帝節度諸將欲往渭北以待之帝曰百姓積聚皆在渭南此必爭之地也遂引軍而濟背水爲壘因謂諸將曰亮若勇者當出武功依山而東若西上五丈原則諸軍無事矣亮果上原將北渡渭帝遣將軍周當屯渭陽以餌之

明帝本紀青龍二年夏四月蜀諸葛亮出斜谷屯渭南

三國蜀志後主本紀建興十二年秋八月亮卒于渭

演魏志鍾會傳會字士季潁川長社人太傅繇小子也爲司徒進封縣侯增邑萬戶猛將銳卒皆在己手遂

謀反欲使姜維等皆將蜀兵出斜谷會自將大衆隨其後既至長安令騎士從陸道步兵從水道順流浮渭入河以爲五日可到孟津與騎會洛陽一旦天下可定也

裴景仁苻書苻健至長安賈元等上尊號依舊儀立百官設壇城南于渭水之陽

苻健皇始四年冬山雞來入人家栖宿養子而去羣衆傍渭水而游翔與家雞無異

王景暉南燕書姚秦皇初三年歲在丁酉于長安渭濱得赤鹽上有文字曰天命燕德

通鑑綱目晉安帝義熙十三年太尉裕至潼關遣王鎮惡帥水軍自河入渭大破秦兵

魏書崔亮傳亮除安西將軍雍州刺史城北渭水淺不通船行人艱阻亮謂寮佐曰昔杜預乃造河梁凡

此有異長河且魏晉之日亦自有橋吾今決欲營之咸曰水淺不可爲浮橋汎長無恆又不可施柱恐難

成立亮曰昔秦居咸陽橫橋渡渭以像閣道此即以柱爲橋今唯慮長柱不可得耳會天大雨山水暴至

浮出長木數百根藉此爲用橋遂成立百姓利之至今猶名崔公橋

周書文帝本紀魏大統三年八月齊神武渡河逼華州刺史王羆嚴守知不可攻乃涉洛軍于許原西太

祖據渭南徵諸州兵皆會乃召諸將謂之曰高歡越山渡河遠來至此天亡之時也吾欲擊之何如諸將

咸以衆寡不敵請待歡更西以觀其勢太祖曰歡若得至咸陽人情轉驩擾今及其新至便可擊之即造

浮橋于渭令軍人齎三日糧輕騎渡渭輜重自渭南

來渭而西冬十月壬辰至沙苑距齊神武軍六十餘里齊神武聞太祖至引軍來會癸巳旦候騎告齊神武軍且至太祖召諸將謀之李弼曰彼衆我寡不可平地置陣此東十里有渭曲可先據以待之遂進軍至渭曲背水東西爲陣

隋書豆盧勣傳勣字定東昌黎徒河人爲渭州刺史甚有惠政華彝悅服德澤流行大致祥瑞鳥鼠山俗呼爲高武隴其下渭水所出其山絕壁千尋由來乏

水諸羌苦之勣馬足所踐忽飛泉湧出

蘇孝慈傳孝慈爲太子右衛率尚書如故明年上于陝州置常平倉轉輸京下以渭水多沙流乍深乍淺

漕運者苦之于是決渭水爲渠以屬河令孝慈督其役渠成上善之

食貨志高祖開皇三年朝廷以渭水多沙流有深淺漕者苦之四年詔曰京邑所居五方輻輳重關四塞

水陸艱難大河之流波瀾東注百川海濱萬里交通雖三門之下或有危慮若發自小平陸運至陝還從

河水入于渭川兼及上流控引汾晉舟車來去爲益殊廣而渭川水力大小無常流淺沙深即成阻閼計

其途路數百而已動移氣序不能往復操舟之役人亦勞止朕君臨區寓典利除害公私之弊情甚愍之

故東發潼關西引渭水因藉人力開通漕渠量事程功易可成就已令工匠巡歷渠道觀地理之宜審終

久之義一得開鑿萬代無毀可使官及私家方舟巨舫晨昏漕運浚汭不停旬日之功堪省億萬誠知時

當炎暑動致殷勤然不有暫勞安能永逸宜告人民庶知朕意焉于是命宇文愷率水工鑿渠引渭水自

大興城東至潼關三百餘里名曰廣通渠轉運通利關內賴之

郭衍傳衍爲開漕渠大監部率水工鑿渠引渭水經大興城北東至于潼關漕運四百餘里關內賴之名之曰富民渠

冊府元龜唐高宗咸亨三年于岐州陳倉縣東南開渠引渭水入昇原渠通船筏

創業起居注帝之蒲津觀河東城庚午南過永豐倉是夜宿于臨晉灤渭合流之處將渡渭津人以見船

朽破不堪帝渡及于灤水上流數十里更取好船苦于水淺沙積相次船行不進憂怖不知所爲其夜三

更天甚晴霽忽然覺水暴長數尺逆流而上船泛深波得達津次及明帝登船欲渡乃見逆流不已津司

以聞衆咸駭異以爲光武津汜之水無以異此並于舟中拜賀帝曰此偶然耳吾何德以堪之乃命所司

以少牢祀灤渭並有事于華山

唐書五行志神龍中渭水有蝦蟆大如鼎里人聚觀數日而失

李適傳中宗景龍二年適爲學士凡天子饗會游豫唯宰相及學士得從春幸梨園並渭水敝除則賜細柳圈辟痛

景龍館記四年上已祓禊于渭濱賦七言詩賜細柳圈李父應制詩此日欣逢臨渭賞昔年空道濟汾詞

沈佺期詩寶馬香車清渭濱紅桃碧柳禊堂春皇情尚憶垂竿佐天瑞先呈捧劍人

冊府元龜元宗天寶元年命陳郡太守韋堅引灌水開廣運于望春亭之東以通河渭京兆尹韓朝宗又

分渭水入自金門置潭于西市西街以貯材木
天寶三載韋堅開漕河自苑西引渭水因古渠至華
陰入渭

唐書韓思復傳思復于朝宗爲京兆尹分渭水入金
光門匯爲潭以通西市材木

柳宗元龍馬贊明皇帝在位靈昌郡得異馬于河其
狀龍鱗虺尾卷毛環目肉鬣居帝闕二十年遇禍亂
帝西幸馬至咸陽西入渭水化爲龍游泳去不知所
終

唐書肅宗本紀安祿山反天寶十五載元宗避賊行
至馬嵬父老遮道請留太子討賊元宗許之遣壽王
瑁及內侍高力士諭太子太子乃還六月丁酉至渭
北便橋橋絕募水濱居民得三千餘人涉而濟

僕固懷恩傳懷恩世襲都督善戰圖至德二載從郭
子儀下馮翊河東走賊將崔乾祐襲潼關破之賊將
安守忠李歸仁苦戰二日王師敗績懷恩至渭水無
舟抱馬鬣以逸

西陽雜俎景龍寺前街中舊有巨井俗呼爲八角井
元和初有公主夏中過見百姓方汲令婢以銀梭梳
就井取水悞墜梳經月餘出于渭河

唐書憲宗本紀元和八年六月辛卯渭水溢
五行志元和八年六月渭水漲經濟時所在百川發
溢多不由故道

憲宗本紀元和十一年八月甲午渭水溢
西陽雜俎威遠軍小將梅伯成以善占夢近有優人
李伯伶遊涇州乞錢得米百斛及歸令弟取之過期
不至晝夢洗白馬訪伯成占之伯成佇思曰凡人好

反語洗白馬瀉白米也君所憂或有風水之虞乎數
日弟至果言渭河中覆舟一粒無餘
宋史五行志太宗太平興國七年三月京兆府渭水
漲壞浮梁溺死五十四人七月京兆府咸陽渭水漲
壞浮梁工人多溺死

真宗本紀大中祥符四年二月壬子出潼關渡渭河
遣近臣祀西嶽
鳳翔府志建炎六年右將軍亮伐魏園陳倉守將郝
昭兵纔千人晝夜相攻拒二十餘日魏遣張郃救之
未至亮引還將軍王雙追亮亮擊斬之十二年諸葛
亮至郿軍于渭水之南屯兵五丈原耕者雜于渭濱
居民之間百姓安堵軍無私焉

紹興元年張浚以吳玠爲陝西諸路都統制玠自富
平之敗收散卒保和高原鳳翔民感其惠相與夜輸
芻粟助之玠償以銀帛民益喜輸者益多金人怒伏
兵渭河邀殺之

金史太宗本紀天會六年八月乙卯婁室敗宋兵于
華州訛特剌破敵于渭水遂取下邽
元史泰定帝本紀泰定元年六月己卯大同渾源河
真定漳沱河陝西渭水黑水渠州江水皆溢並漂民
廬舍

畿輔通志李衍字文盛隆慶人明景泰壬申登進士
第授兵部主事總督三邊軍儲兼賑濟饑民時關陝
旱久衍引渭水爲渠以利居民是歲大稔還朝復具
圖以進陞本部尚書總督京通兩倉

陝西通志嘉靖十三年五月慶陽寧邠涇陽等州縣
大水淹沒涇渭兩岸居民畜產無數

臨洮府志王淑會直隸長垣人由舉人天啓五年爲
渭源令遷渭橋于城東五里人不病涉者百餘年迄
今遺愛碑猶存

渭水部雜錄

詩經大雅涉渭爲亂取厲取鍛註涉渭取材而爲舟
以便往來取厲取鍛以成宮室金史記言自漆沮渡
渭取材用卽此事也

洪範五行傳赤者火色蓋亦以火沴水也渭水秦大
川也陰陽亂秦用嚴刑敗亂之象

秦書昔三代居三河而河洛出圖書秦居渭陽而水
數赤瑞異應德之效也

史記太公世家周西伯獵遇太公于渭之陽註括地
志云茲泉水源出岐州岐山縣西南凡谷呂氏春秋
云太公釣于茲泉遇文王酈道元云磻磻中有泉謂
之茲泉積水爲陣卽太公釣處今謂之凡谷有石壁
深高幽邃人跡罕及東南隅有石室蓋太公所居水
次盤石釣處卽太公垂釣之所其投竿跪餌兩膝遺
跡猶存是磻磻之稱也其水清冷神異北流十二里
注于渭

閩中記龍首山首枕渭之南岸尾達樊川首高尾下
在長安城南

三秦記龍首山長六十里頭入渭水尾達樊川高二
十丈云昔有黑龍從南山出飲渭水其行道因成土
山

唐書郭子儀傳子儀爲京城畱守程元振說帝都洛
陽子儀奏曰雍州襟憑終南太華之險背負清渭濁
河之固或處而泰去而亡者不一姓
雜兵志東海出氣如龍渭水出氣如蜃

渭水部外編

葛洪神仙傳駙馬都尉北海巫炎字子都漢武帝出
子都見于渭橋上見頭上鬱鬱有紫氣高丈餘帝召
東方朔使相此君有何道術曰此君有陰道之術
劇談錄陳季卿羈樓輦下嘗訪僧于青龍寺遇僧他
適因憇于煖閣中有終南山翁方擁爐而坐東壁有
寢瀛圖季卿嘆曰得自渭泛河濟江達于家亦不悔
無成而歸翁乃命僧童折階前一竹葉作舟置圖中
渭水上季卿熟視恍若登舟旬餘至家復登葉舟泛
江至青龍寺見山翁尚擁褐而坐

欽定古今圖書集成方輿彙編山川典

第二百六十一卷目錄

漢水部彙考

考

漢水部總論

程大昌禹貢論

漢水論一

漢水論二

山川典第二百六十一卷

漢水部彙考

禹貢荊州之漢水

漢水源出今陝西鞏昌府秦州嶓冢山始出為漢水東流至西和縣入武都上祿之地名為西漢水又東流至成縣名六漢水折而稍西又折而東南入漢中府鳳縣界又過沔縣城西別為潛水又東合沔水又東逕洋縣界流入湖廣鄖西縣界又至均州為滄浪之水又歷光化襄陽宜城荊門州潛江縣諸界至沔陽州過三澱又逕武昌府城北漢陽府城南大別山下與江水合流東至江南鎮江府城東入于海

考

按書經夏書禹貢荆及衡陽惟荊州江漢朝宗于海傳江漢合流于荆去海尚遠然水道已安而無有壅塞橫決之患雖未至海而其勢已奔趨于海猶諸侯之朝宗于王也大王氏炎曰漢水入江處在漢陽軍大別山下正屬荊州之域
嶓冢導漾東流為漢又東為滄浪之水過三澱至于

大別南入於江東匯澤為彭蠡東為北江入於海傳泉始出為漾水東南流為沔水至漢中東流為漢水正義曰傳之此言當據時人之名為說也地理志云漾水出隴西氐道縣至武都為漢水不言中為沔水孔知嶓冢之東漢水之西而得為沔水者以禹治梁州入帝都自所治云逾於沔入於渭是沔近於渭當梁州向冀州之路也應劭云沔水自江別至南郡華容縣為夏水過江夏郡入江既云江別明與此沔別也依地理志漢水之尾變為夏水是應劭所云沔水下尾亦與漢合乃入於江也傳漾水名水經曰漾水出隴西郡氐道縣嶓冢山東至武都常璩曰漢水有兩源此東源也即禹貢所謂嶓冢導漾者其西源出隴西嶓冢山會泉始源曰沔逕葭萌入漢東源在今西縣之西西源在今三泉縣之東也鄧道元謂東西兩川俱出嶓冢山而同為漢水者是也水源發於嶓冢為漾至武都為漢又東流為滄浪之水鄧道元云武當縣北四十里漢水中有洲曰滄浪洲水曰滄浪水是也蓋水之經歷隨地得名謂之為者明非他水也三澱水名今鄂州長壽縣磨石山發源東南流者名澱水至復州景陵縣界來又名漢水疑即三澱之一然據左傳漳澱澱澱則為水際未可曉也大別見導山入江在今漢陽軍漢陽縣匯迴也北江未詳入海在今通州靜海縣今按彭蠡古今記載皆謂今之番陽然其澤在江之南去漢水入江之處已七百餘里所蓄之水則合饒信徽撫吉贛南安建昌臨江袁筠隆興南康數州之流非自漢入而為匯者又其入江之處西則廬阜東則湖口皆石山峙立水道狹

甚不應漢水入江之後七百餘里乃橫截而南入于番陽又橫截而北流為北江且番陽合數州之流潞而為澤泛溢壅遏初無仰於江漢之匯而後成也不惟無所仰於江漢而眾流之積日過月高勢亦不復容江漢之來入矣今湖口橫渡之處其北則江漢之濁流其南則番陽之清漲不見所謂漢水匯澤而為彭蠡者番陽之水既出湖口則依南岸與大江相持以東又不見所謂橫截而為北江者又以經文考之則今之彭蠡既在大江之南於經則宜曰南匯彭蠡不應曰東匯于導江則宜曰南會于匯不應曰北會于匯既在南於經則宜曰北為北江不應曰東為北江以今地里參校絕為反戾今廬江之北有所謂巢湖者湖大而源淺每歲四五月間蜀嶺雪消大江泛溢之時水淤入湖至七八月大水落湖水方洩隨江以東為合東匯北匯之文然鄱陽之湖方五六百里不應舍此而錄彼記其小而遺其大也蓋嘗以事理情勢考之洪水之患惟河為甚意當時龍門九河等處事急民困勢重役煩禹親蒞而身督之若江淮則地偏水急不待疏鑿固已通行或分遣官屬往視亦可况洞庭彭蠡之間乃三苗所居水澤山林深昧不測彼方負其險阻頑不即工則官屬之往者亦未必遽敢深入是以但知彭蠡之為澤而不知其非漢水所匯但意如巢湖江水之淤而不知彭蠡之源為甚眾也以此致誤謂之為匯謂之北江無足怪者然則鄱陽之為彭蠡信矣大朱子曰東匯澤為彭蠡多此一句
按周禮夏官職方氏正南曰荊州其川江漢訂黃氏

曰漢水自房陵以下爲州界東南至漢陽入江易氏曰漢志不知漢水所自誤認嶓冢山之西嘉陵江爲西漢水與禹貢漢水大異考之唐元和志與元府金華縣嶓冢山在縣西三十里漢水所出東流至洋州興道縣又東流至金州西城縣又東流至均州武當縣有滄浪州即禹貢滄浪之水又東流至襄陽府襄陽縣又東流至鄂州長壽縣又東南流至復州竟陵縣今爲景陵縣有滲參水即禹貢三澨也又東南流至沔州漢陽縣今縣爲漢陽軍有大別山即禹貢至於大別以入於江之地禹貢所記江漢皆發源於梁州周禮不載梁州山川故至荊州而後言其川江漢江自今歸州之秭歸縣以至鄂州之武昌縣凡一千四百餘里漢江自今均州之武當縣以至漢陽軍之漢陽縣凡一千四百餘里皆荊州之地江漢分流於其間至是合流詩曰滔滔江漢南國之紀是也王昭禹曰即禹貢荊州所謂江漢朝宗於海

按爾雅釋水漢爲潛疏地理志云隴西郡西縣嶓冢山西漢水所出沱出於江潛出於漢二水發源梁州而入荊故荊州亦云沱潛既道案郭氏音義云沱水自蜀郡都水縣嶓山與江別而更流又云有水從漢中沔陽南流至梓潼漢壽入太穴中通峒山下西南潛出一名沔水舊俗云即禹貢云潛也然則水從江漢出者皆曰沱潛所以荊梁二州皆有也按山海經西山經嶓冢之山漢水出焉而東南流注于沔註至江夏安陸縣江即沔水海內東經漢水出鮒魚之山註按水經漢水出武都沮縣東狼谷入江爲滄浪之水

按漢書地理志豫章郡雩都註湖漢水東至彭澤入江

漢中郡沔陽註如淳曰北方人謂漢水爲沔水師古曰漢上曰沔

健爲郡漢陽註都尉治山關谷漢水所出東至營入延

武都郡武都註東漢水受氐道水一名沔過江夏謂之夏水入江

隴西郡氐道註禹貢養水所出至武都爲漢

西註禹貢嶓冢山西漢所出南入廣漢白水東南至江州入江

按後漢書郡國志南郡臨沮侯國有荆山註南都賦註曰漢水至荆山東別流爲滄浪之水

隴西郡氐道養水出此註巴漢志曰漢水二源東源出縣之養山名養南都賦註曰漢水源出隴西經武都至武關山歷南陽界出沔口入江巴漢志曰西漢隴西嶓冢山會白水經葭萌入漢始源曰沔故曰漢沔

漢陽郡西故屬隴西有嶓冢山西漢水

按淮南子地形訓漢水重安而宜行

按水經漢水出隴西氐道縣嶓冢山東至武都沮縣爲漢水註常璩華陽國記曰漢水有二源東源出武都氐道縣漢山爲漢水禹貢導漢東流爲漢是也西源出隴西嶓冢山會泉逕葭萌入漢始源曰沔按沔水出東狼谷逕沮縣入漢漢中記曰嶓冢以東水皆東流嶓冢以西水皆西流即其地勢源流所歸故俗以嶓冢爲分水嶺即此推沔水無西入之理劉澄之

云有水從沔陽宋本作沔縣南至梓潼漢壽入大穴暗通岷山郭景純亦言是矣岷山穴小本不容水水成大澤而流與漢合庾仲雍又言漢水自武遂川南入蔓葛谷越野牛逕至開城合西漢水故諸言漢者多言西漢水至葭萌入漢又曰始源曰沔是以經云漢水出氐道縣東至沮縣爲漢水東南至廣魏白水凡

源矣然東西兩川俱受沔漢之名者義或在茲矣班固地理志司馬彪袁松郡國志並言漢有二源東出氐道西出西縣之嶓冢山關駟曰漢或爲漢漢水出岷崙西北隅至氐道重源顯發而爲漢水又言隴西縣嶓冢山在西漢水所出南入廣魏白水又云漢水出源道東至武都入漢許慎呂忱並言漢水出隴西源道東至武都爲漢水不言氐道然源道在冀之西北又隔諸川無水南入疑出源道之爲謬矣又云漢漢也東爲滄浪水山海經曰嶓冢之山漢水出焉而東南流注于江然東西兩川俱出嶓冢而同爲漢水者也孔安國曰泉始出爲漢其猶濛耳而常璩專爲漢山漢水當是作者附而爲山水之殊目矣余按山海經漢水出岷崙西北隅而南流注于配塗之水

作醜塗穆天子傳曰天子自春山西征至于赤烏氏己卯北征庚辰濟于洋水辛巳入于曹奴之人戲觴天子于洋水之上當云辛巳入于曹奴曹奴之人戲觴天子于洋水之上乃獻良馬九百牛羊七千天子使逢因受之天子乃賜之黃金之鹿戲乃膜拜而受余以太和中從高祖北巡狄人猶有此獻雖古今世殊而所貢不異然川流隱伏卒難詳照地理潛閥變通無方復不

可全言閼氏之非也雖津流派別枝渠勢懸原始要終潛流或一故俱受漢漾之名納方土之稱是其有漢川漢陽廣漢漢壽之號或因其始或據其終縱異名互見猶爲漢漾矣川共目殊或亦在斯今西縣嶧冢山西漢水所導也然微涓細注若通羅歷津注而已西流與馬池水合水出上邽西南六十餘里謂之龍淵水言神馬出水事同徐吾來淵之異徐吾當作生淵注水中應如注云余吾在朔方故因名焉開山圖曰隴西神馬山有淵池龍馬所生卽是水也其水西流謂之馬池川又西流入西漢水西漢水又西南流左得蘭渠溪水次西有山黎谷水次西有鐵谷水次西有石耽谷水次西有南谷水並出南山楊湍北注右得高望谷水次西得西谿水次西得黃花谷水咸出北山飛波南入西漢水又西南資水注之水北出資川導源四壑南至資峽總爲一水出峽西南流注西漢水西漢水又西南得峽口水口出苑亭曰草里谷朱本作苑亭西草里谷三溪西南至峽石口合爲一瀆東南流屈而南注西漢水西漢水又西南合楊廉川水水出西谷衆川瀉流合成一川東南流逕西縣故城北秦莊公伐西戎破之周宣王與其大駱大丘之地爲西垂大夫亦西垂官也王莽之西治矣建武八年世祖至陽河寶融等悉會天水震動隗囂將妻子奔西城從楊廣廣死鄧孤舊本作窮城守時潁川賊起車駕東歸吳漢岑彭圍鄧岑等壅西谷水以縶幔盛土爲堤灌城城未沒丈餘水穿壅不行地中數丈涌出故城不壞請蜀救至漢等退還上邽但廣廉字相狀後人因以人名之故習僞爲楊廉也置楊

廉縣焉又東南流右會茅川水水出西南戎溪東北流逕戎丘城南吳漢之圍西城王捷登城向漢軍曰爲隗王城守者皆必死無二心願諸將亟罷宋作還請自殺以明之遂刎頸而死又東北流注西谷水亂流東南入于西漢水西漢水又西南逕始昌峽始昌縣故城西晉書地道記曰天水始昌縣故城西也亦曰清崖峽西漢水又西南逕巖備戍巖備戍南左則巖備水自東南西北注之右則鹽官水南入焉水有鹽官在蟠冢西五十許里相承營養不輟味與海鹽同故地理志云西縣有鹽官是也其水東南逕巖備戍西東南入漢水漢水又西南合左谷水水出南山窮溪北注漢水又西南蘭軍蘭軍字疑誤宋本作蘭軍坑水出于西北至交谷東南歷祁山軍東南入漢水漢水又西南逕祁山軍南難水出南難谷北逕水南縣西北流注于漢漢水又西建安川水入焉其水導源建威西北山白石戍東南二源水合注東逕建威城南又東與蘭坑水會水出西南近溪東北逕蘭坑城西北流注建安水建安水又東逕蘭坑城北建安城南其地故西縣之歷城也楊定自隴右徙治歷城卽此處也去仇池一百二十里後改爲建安城其水又東合錯水水出錯水戍東南而東北入建安水建安水又東北有雉尾谷水又東北有太谷水又北有小祁山水並出東溪揚波西注又北左會胡谷水水西出胡谷東逕金盤歷城二軍北軍在水南層山上其水又東注建安水建安水又東北逕塞峽元嘉十九年宋太祖遣龍驤將軍裴方明伐楊難當將妻子北奔安西參將魯尚期追出塞峽卽是峽

矣左山側有石穴洞人言潛通下辨所未詳也其水出峽西北流注漢水漢水北連山秀舉羅峯競峙祁山在蟠冢之西七十里宋本無字山上有城極爲巖固昔諸葛亮攻祁山卽斯城也漢水逕其南城南三里亮故壘之左右猶豐茂宿草蓋亮所植也在上邽西南二百四十里開山圖曰漢陽西南有祁山溪徑逶迤山高巖峻九州之名岨天下之奇峻今此山於衆阜之中亦非爲傑矣漢水又西南與申作宋本甲谷水合水出西南申谷東北流注漢水漢水又西逕南呀原作岸今改正北中呀之上下有二城相對左右墳壘低昂互山被阜古語一作云南呀北呀萬有餘家諸葛亮表言祁山縣出租五百云祁山縣去道有民萬戶矚其丘墟信爲殷矣漢水西南逕武植戍南武植戍水發北山二源奇發合于安民戍南又南逕武植戍西而西南流注于漢水漢水又西南逕平夷戍南又西南夷水注之水出北山南逕其戍西南入漢水漢水又西逕蘭倉城南又南右會兩溪俱出西山東流注于漢水張華博物志云溫水出鳥鼠山下注漢水疑是此水而非所詳也漢水又南入嘉陵道而爲嘉陵水然世俗名之爲階陵水非也漢水又東南右右字疑衍得北谷水東南得城階水孫云城階疑作武階又東南得倉谷水右三水並出西溪東流注漢水漢水又東南逕瞿堆西又屈逕瞿堆南絕壁峭峙孤嶺雲高望之形若覆壺其高二十餘里羊腸蟠道三十六迴開山圖謂之仇夷所謂積石嵯峨嶽岑隱阿者也上有平田百頃糞土成鹽因以百頃爲號山上豐水泉所謂清泉湧沸潤氣上流者

也漢武帝元鼎六年開以爲武都郡天池大澤在西故都爲目矣王莽更名樂平郡縣曰循虜縣常璩范曄云郡居河池一名仇池池方百頃即指此也左右悉曰馬氏矣漢獻帝建安中有天水氏楊騰者世居隴右爲氏大帥子駒勇健多計徙居仇池魏拜爲百頃氏王漢水又東合洛谷李云疑脫水字谷有二源合同注一鑿於神蛇戌西左右山溪多五色蛇性馴良不爲物毒洛谷水又南逕虎廐戍東又南逕仇池郡西置堆東西南入漢水漢水又東合洛漢水洛漢當作水北發洛谷南逕威武戍南又西南與龍門水合水出西北龍門谷東流與橫水會東北窮漢即水源也又南逕龍門戍東又東南入洛漢水又東南逕上祿縣故城西修源導逕引北溪南總兩川單流納漢漢水又東南逕濁水城南又東南會平樂水水出武階宋本作水出武源然按下文數舉武街知階當作街而宋本自誤耳十六國春秋亦作武街東北四十五里更馳南溪導源東北流山側有甘泉涌波飛流下注平洛水又逕甘泉戍南又東逕平洛戍南又東入漢謂之會口漢水東南逕修城道南與修水合水總二源東北合漢漢水又東南於槃頭郡南與濁水合水出濁城北東流與丁令溪水會其水北出丁令谷南逕武街城西東南入濁水濁水又東逕武街城南故下辨縣治也李倉李稚以氏王楊敵堅妻死葬陰平襲武街爲氏所殺於此矣今廣漢郡治濁水又東弘休水注之水北出溪南逕武街城東而南流注于濁水濁水又東逕白石縣南續漢書曰虞詡爲武都太守下辨東三十餘里有峽峽中白一作水生大石障塞水流春夏輒潰溢敗壞城郭詡使燒石

以水灌之石皆碎裂因鑄去焉遂無泛溢之害濁水即白水之異名也濁水又東南渥陽水北出渥谷南逕白石縣東而南入濁水濁水又東南與仇鳩水合水發鳩溪南逕河池縣故城西王莽之樂平亭也其水西南流注濁水濁水又東南與河池水合水出河池北谷南逕河池戍東南入濁水濁水東南兩當水注之水出陳倉縣之大散嶺西南流入故道川謂之故道水西南流逕故道城東魏征仇池築以置戍與馬鞍山水合水東出馬鞍山歷谷西流至故道城東西入故道水西南流北川水注之水出北洛嶺山南南流逕唐倉城下南至困冢川入故道水故道水又西南歷廣香交合廣香川水水出南田縣利喬山利一作移南流至廣香川謂之廣香川水又南注故道水謂之廣香交故道水又西南入秦隴山尚婆水注之山高入雲遠望增狀若嶺紆軋軒蜂駐月駕矣懸崖之側列壁之上有神像若圖指狀婦人之容其形上赤下白世名之曰聖女神至於福應忽違方俗是祈水源北出利喬山南逕尚婆川謂之尚婆水歷兩當縣之尚婆城南魏故道郡治也西南至山入故道水故道水右又合黃盧山山水水出西北天水郡黃盧山腹歷谷南流交注故道水故道水南入東益州之廣漢郡界與沮水枝津合謂之兩當溪水水上承武都沮縣之沮水濱西南流注于兩當溪處謂爲郡漕穀布在沮從沮縣至下辨山道險絕水中多石舟車不通驢馬負運微五致一謂乃於沮受微直約自致之即將吏民按行皆燒石櫟木開漕船道水運通利歲省萬計以其僦慶與吏士年四十餘萬也後漢書作燒石櫟木開漕

縣道水逕通利又西南注于濁水濁水南逕槃頭郡東而南合鳳溪水上承濁水於廣漢郡南逕鳳溪中有二石雙高其形若闕漢世有鳳凰至舊本作鳳本作止吳故謂之鳳凰臺北去郡三里水出臺下東南流左注濁水濁水又南注漢水漢水又東南歷漢曲逕挾崖與挾崖水合水西出檐潭交東流入漢水漢水又東逕武興城南又東南與北谷水合水出武興東北而西南逕武興城北謂之北谷水南轉逕其城東而南與一水合水出東漢溪西流注北谷水又南流注漢水漢水又西南逕關城北除水出西北除溪東南流入于漢漢水又西南逕通谷通谷水出東北通溪上承漢水西南流爲西漢水漢水又西南與水注之水東出寒川西流入漢漢水又西逕石亭戍廣平水西出百頃川東南流注漢又有平阿水出東山西流注漢水又逕晉壽城西而南合漢壽水水源出東山西逕東晉壽故城南而西南入于漢水也又東南至廣魏宋本作廣魏白水縣西又東南至葭萌縣東北與羌水合注白水西北出于臨洮縣西南西傾山水色白濁東南流與黑水合水出羌中西南逕黑水城西又西南入白水白水又東逕洛和城南洛和水西南出和溪東北流逕南黑水城西而北注白水白水又東南逕鄧至城南又東南與大夷祝水合水出夷祝城西南而窮溪北注夷水又東北合羊洪水出東南羊溪西北逕夷祝城東又西北流屈而東北注于夷水夷水又東北入白水白水又東與安昌水會水源發衛大西溪東南逕鄧至安昌郡南又東南合無累水無累水出東北近溪西南入安昌水安昌

水又東南入白水水又東南入陰平得東維水出西北維谷東南逕維城西東南入白水白水又東南逕陰平故城南王莽更名摧虜矣即廣漢之北部也廣漢屬國都尉治漢平帝永初三年按漢紀平帝末初分廣漢蠻夷置有白水馬水出長松縣西南而

白馬漢一作東北逕長松縣北而東北注白水白水又東逕陰平大城北蓋其渠帥自故城徙居也白水又東偃溪水出西南偃溪東北流逕偃城西而東北流入白水白水又東逕偃城北又東北逕橋頭昔姜維之將還蜀也離州宋本作刺史諸葛緒邀之於此後期不及故維得保劍閣而鍾會不能入也白水又與羌水合自下羌水又得其通稱矣白水又東逕郭公城南昔郭淮之攻廖化於陰平也築之故因名焉

白水又東離川水出西南離溪東北注白水白水又東合空冷水傍溪西南窮谷即川源也白水又東南與南五部水會水有二源西源出五部溪東南流東源出郎谷西南合南注白水白水又東南逕建陽郡東而北與一水合二源同缺成三溪西南流入于白水白水又東南逕白缺二故城東即白水郡治也

經云漢水出其西非也白水又東南與西谷水相得水出西溪東流逕白水城南東南入白水白水又南左倉東流水入極溪便即水源也白水又南逕李云與城東又東南左得刺稽水口溪東北出便水源矣白水又東南清水左注之庚仲離曰清水自祁山來合白水斯為孟浪也水出於平武郡東北驪累互

下南逕平武城東屈逕其城南又西歷平洛郡東南屈而南逕南陽僊郡東北又東北宋本作逕新巴縣

東北又東南逕始平僊郡南又東南逕小劍戍北西去大劍三十里連山絕嶮飛閣通一作衝故謂之劍閣也張載銘曰一人守險萬夫趨超信然故李特至劍閣而歎曰劉氏有如此地而面縛於人豈不庸才也小劍水西南出劍谷東北流逕其戍下入清水清水又東南注白水白水又東南孫云於吐費城南

即西晉壽之東北也東南流注漢水西晉壽即蜀王弟葭萌所封為葭萌侯故遂城為葭萌矣劉備改曰漢壽太康中又曰晉壽水有津關段元章善風角弟子歸元章封簡藥授之曰路有急難開之生到葭萌從者與津吏諍打傷其破頭者可以此藥裹之生乃嘆服還卒業焉亦廉叔度抱父柩自沈處也後漢書

叔度京兆杜陵人父丹王莽時為大司馬肅郡牧客死子蜀范遂流寓西州後歸郡里年十五辭母西迎俱沉溺衆傳其義釣求得之療救僅免于死又東南過巴郡閬中縣注巴西郡治也劉璋之分三巴此其一焉關駟曰強水出陰平西北強山一曰強川姜維之還也鄧艾遣天水太守王頊敗之于強川即是也其水東北逕武都陰平梓潼南安入漢水漢水又東南逕津渠戍東又南逕閬中縣東閬水出閬陽縣而東逕其縣南又東注漢水昔劉璋之攻霍峻於葭萌也自此水上張達范疆害張飛於此縣漢水又東南得東水口水出巴嶺南歷嶺中謂之東遊水

李壽之時獠自牂牁北入所在諸郡布滿山谷其水西南逕宋熙郡東又東南逕平城東又東南逕巴西郡東又東入漢水漢水又東與蓮溪水合水出獠中世亦謂之為清水也東南流注漢水漢水又東南逕宕渠縣東又東南合宕渠水水西北出鄧縣南巴嶺

與聚余水同源派注南流謂之北水東南流與難水合水出東北巴山西南注之又東南流逕宕渠縣謂之宕渠水又東南入漢

又東南入漢州江津縣東南入于江注涪水注之故仲雍謂涪內水者也按博雅釋水漢達也

按隋書地理志漢川郡西注舊曰嶓冢大業初改焉有漢水

按唐書地理志金州漢陰郡西城注有漢水

陳州仁壽郡籍注東五里有漢陽堰武德初引漢水溉田二百頃

按蜀都雜抄岷嶓潛沱之義難解今蜀山連綿延互凡居左者皆曰岷右者皆曰嶓凡水出于岷者皆曰江出于嶓者皆曰漢江別流而復合者皆曰沱漢別流而復合者皆曰潛恐屬方言爾故岷謂之汶今汶川是也漢謂之漾或謂之沔或謂之羌今沿漢水而東有寧羌州有沔縣又東有洋縣即古洋州也洋漾聲相近豈皆得名于漢水耶按華陽國志云漢有二源東源出武都氏道漾山因名漢禹貢漾流為漢是也西源出隴西嶓冢山會白水經葭萌入漢始源曰沔故曰漢沔

按圖書編漢水考禹貢云嶓冢導漾東流為漢又東為滄浪之水過三澨至于大別南入于江東匯澤為彭蠡東為北江入于海今按嶓冢之山漾水出焉禹則自嶓冢而導之滄其源也東流則為漢焉漢即漾也而易其名又東流即為滄浪之水焉滄浪即漢也而易其稱又東過三澨之水至于大別之山南入於

按圖書編漢水考禹貢云嶓冢導漾東流為漢又東為滄浪之水過三澨至于大別南入于江東匯澤為彭蠡東為北江入于海今按嶓冢之山漾水出焉禹則自嶓冢而導之滄其源也東流則為漢焉漢即漾也而易其名又東流即為滄浪之水焉滄浪即漢也而易其稱又東過三澨之水至于大別之山南入於

按圖書編漢水考禹貢云嶓冢導漾東流為漢又東為滄浪之水過三澨至于大別南入于江東匯澤為彭蠡東為北江入于海今按嶓冢之山漾水出焉禹則自嶓冢而導之滄其源也東流則為漢焉漢即漾也而易其名又東流即為滄浪之水焉滄浪即漢也而易其稱又東過三澨之水至于大別之山南入於

江會同東下有朝宗之勢焉

漢水出陝西鞏昌府秦州嶓冢山爲漢水東流至西和縣卽入武都上祿之地名爲西漢水又東流至成縣卽武都郡治名六漢水折而稍西折而東南入漢中府鳳縣過沔縣西別爲潛又東合沔水東流經本府洋縣流入湖廣襄陽府鄖陽縣至均州爲滄浪之水歷光化襄陽宜城荊州府荊門州潛江縣至沔陽州過三澨至漢陽縣大別山南流合於江

按陝西通志漢水源出秦州嶓冢山西南流入湖廣界

按鞏昌府志嶓冢山在秦州西南六十里禹貢嶓冢導漾東流爲漢卽此上有異草名花骨空若食之令人無子通典云嶓冢山有二一在天水郡之上邽一在漢中之金牛在天水者西漢水之所出也

西漢水在西河縣西南源出嶓冢山西北流與馬池水合有諸葛亮壘左右有豐草蓋亮所植也

馬池水在嶓冢山南下流與西漢水合

按秦州志州城西南六十里有嶓冢山山陽有水西南流至漢陽入漢江其南爲分水嶺南流爲漾北流入赤峪

按秦州志漾水在州南五十里源出嶓冢流至禮縣名長道河至階州泰石山名犀牛江至成縣名譚家河至徽州名白水江由略陽入四川廣元縣界

按西和縣志漢水在舊長道縣南源出嶓冢與西漢水合入白水諸葛軍壘在其間

鹽官水在縣東北九十里自秦州天水界流入漢一名西漢水

按成縣志六漢水在縣西北六十里源出西河縣境流經六漢保入翠牛江卽西漢水

按漢陰縣志漢水在縣南八十里流入興安州界按興安州志漢水在州城北水經曰漢水又東過西城縣南經漢中魏興至南鄉東經襄陽至江夏安陸縣入江今按漢水自沔陽以下其流可濫觴自漢中歷城固洋縣西鄉諸邑受百川之水東至環珠廟兩巖夾岸石齒錯綜急沙飛蕩方九十里是爲黃金峽險擬蜀之瞿塘焉東至茶溪灘則爲石泉縣界至馬家營爲漢陰界至銅鑼三灣爲紫陽界由紫陽折而南受汝河洞河之水爲樓子灘入興安州界又東爲月池灘又東三十五里爲馬尿灘又東五里受道河之水爲思灘又三十里爲高洋灘低洋灘東十里受五堰河高坪河溜水河嵐河之水爲三堆灘東五里爲織女灘東五里爲串灘東四十五里爲夫灘東二十里受吉河之水爲越河灘在州城之下爲州身灘東去州十里爲立石灘又東二里爲下立石灘東三十里受神灘河之水是爲神灘若水相搏號稱絕險其灘上有楊四將軍廟明崇禎五年瑞藩就國漢中舟行過此始建新廟前豎坊表東西歷階而上週以石欄西階另開一道陟於層巔建伏魔廟又于楊將軍廟前建成虛閣三面臨江雕欄四遶樹光零亂山色空濛帆檣隱見截浪穿波憑欄一望亦奇觀也明成化十三年鄭州守鑒石疏洪以殺其險至今利之又東五里爲二郎灘又東七十里爲洵陽又二百八十里爲藍灘則秦楚之交矣

神灘河出牛山東南流注於漢水之神灘

黃洋河源出化龍山東北流注于漢

吉河源出界嶺西北流注于漢

五堰河源出鳳凰山老龍池西南流入于漢

蒿坪河源出鳳凰山西南流入於漢

嵐河源出化龍山東流七百餘里中有仙人壩巨壘跡鎮龍椿諸勝至石泉壩南入於漢

大道河小道河俱出界嶺東北流入於漢

越水在州西十里南流入于漢

恆水在州西七十里合漢陰縣東月川水入于漢

按石泉縣志漢江在縣城南五十步

珍珠水在縣西二里源自五攢嶺南流入于漢

大瀾水在縣西十五里源自秦嶺下來西流入于漢

紅水在縣北一里源自五攢嶺南流入于漢

長安堰在縣東五里引漢江

按洵陽縣志漢江在縣南百一十步蜀水仙水閭水俱注之

洵水在縣東一百二十步源自西北山流入漢江

閭水在縣西二十五里源發平利北流入漢江

按白河縣志冷水有二一在縣西百六十步發源洵陽北流入漢江一在縣西九十里爲小冷水合流爲一水

白石水有二一在縣西南百二十里一在縣東南九十里爲小白石水俱自竹山界合流入漢江

按紫陽縣志任水在縣南一里源發大寧縣北流入漢江

五郎水在縣南五十里北流入漢江

按漢中府志漢江在府城南三里自沔縣嶓冢山發

源始出曰漾水南合沔水東流爲漢又東至漢陽會大江

按寧羌州志州北九十里嶓冢山漢水所出東入襄陽禹貢嶓冢導漾卽此

按襄城縣志黑龍江在縣東門外源發太白山自東北合襄水東南入于漢

華陽水在縣西二十五里源發牛頭山南流與漢水合

廉泉在縣西南一百二十五里源發巴州大巴山密谷至中梁山南流與漢水合別流爲讓水

襄水在縣東一里卽黑龍江源發牛頭山南流與漢水合

按沔縣志漾水在舊大安軍南

大安河在縣西九十里源自普明山南流與漢水合沮水在縣西三十里出鳳縣南與漢水合

白馬水在縣西三十里源出龍門溝南入漢水

芋溪水在縣西北七里東入漢

黃沙水在縣東四十里出雲漢山入漢江

飲馬灘在縣東二里漢水中每子午二時潮聲響如雷

鴛鴦灘在縣東二十里漢水中亂石錯落起伏如鴛鴦

玉谷水在縣西北二十五里漢水自魏興沂流一百八十里至玉谷溪口

黑水在縣北五里源出自太白山南流入漢江

文水在縣西北四十里潯水入漢處兩水合流如文字故名

按鳳縣志紫金水在縣東一百五十里源出太白山下入漢

按西鄉縣志洋河在縣東二十里發源星子山流入漢江

子午河在縣東北一百五十里源出于午谷西流入漢

按四川總志漢水在嘉定州犍爲縣東北一百八十里漢得古磬十六枚于水濱亦名寶磬川

按大渡河土千戶所志漢水源出飛越山流經本所城南一十里東入岷江

按保寧府志嘉陵江源出陝西鳳縣嘉陵谷經廣元昭化過劍州至府其曰閬水巴水渝水漢水皆此江之異名

按綿州志涪水在州東南源自龍州下流入潼川界應劭云涪水出廣漢南入漢水

按夔州府志太平縣北江在縣治北一百里自黃墩山發源轉北入陝西紫陽縣界各任河入漢江

按瀘州志漢陽山在江安縣南四里孤高特起峙立漢水之陽

按湖廣通志漢江源出隴西嶓冢山由漢中流經鄖西均州光化至襄陽府城北又東南經宜城抵安陸府至大別山入江其水因地而名曰漾曰沔曰漢曰

滄浪總之一漢也

按鄖陽府志漢水在鄖西縣城南五十里源出嶓冢經漢中東流至大別入江

將軍河在縣治南百五十里北與紅石河合流入漢江

龍門河在縣治東六十里源出龍門山南入漢江

白河在府城東北源出南陽府鄧州界下入漢江

唐河在縣治東北一百里源出唐縣入漢江

神定河在縣治東南二十里源出竹山縣流入漢江

五里河在縣治東五里至縣前與天河合流入南門會漢水

黃沙河在縣治西北七十里源出上津縣龍山入漢水

按房縣志沮水在縣西南源出景山東流入漢江左傳江漢沮漳楚之望也

八渡河在縣境源出滴水崖流入漢江

按竹山縣志堵水在縣南源出陝西平利縣界下流過縣東入漢江

按襄陽府志漢水源來自嶓冢山逕梁洋金房均襄鄖至漢陽入江

按均州志漢水在州北四十里卽嶓冢導漾東流爲漢者其水因地而名曰漾曰沔曰漢曰滄浪蓋總名爲漢別言之則有四耳

會河在州城南六里源出大別山東流經城南入于漢江

大觀山小觀山俱在州東南漢江中

按光化縣志漢水自西北經本縣南入穀城縣境

陡漕河在縣南三十里流入漢江

按穀城縣志漢水在縣城南二十里

赤山在縣東南七十里丹岩壁立臨漢江之上故名

古羊河在縣東北五里源出石花街西北流入西河

口與粉水合入里仁港達漢江

粉漬河一名粉水在縣南源出巴山經房縣東南流入漢江

入漢江

乾汭河在縣北三里漢水漲則與古羊河相通水過則乾

豐泉在廣德寺後相傳有龍潛于中四時水湧流至鎮風橋達漢江

鎮風橋達漢江

按宜城縣志漢水在縣東四里其源出隴西嶓冢山由襄陽經縣東北入安陸

蠻河即南漳縣蠻河也經縣西南六十里入漢江

潘家河在縣東七十里經石板灘至陰港入漢江

毛家港在縣北二十五里源出潑陂經張家橋入漢水

陰港在縣東三十里源出南泉至港入漢水

王城港在縣東五十里俗呼黃簾港入漢水

朱家港在縣東三十里西入漢水

練港在縣東南四十里源出臥牛山至赤山入漢水

珍珠泉在縣東七十里入漢水

南泉在縣東九十里入漢水

按南漳縣志沮水在縣南五十里源出房州永清縣西南景山東南入于漢一出房州房陵縣東山東南

過江陵枝江入于漢

漳河在縣南一百三十里其水由當陽境入于漢

按棗陽縣志白河在縣南四十里源出大阜山西流入于漢

滾河在縣南五十里源出白河西流入于漢

縷水在縣東五十里西流入于漢

按襄陽縣志漢水又名襄水在縣西北出大安軍三

泉縣西嶓冢山至漢陽軍漢陽縣大別山入于江

白河在縣東北源出南陽白水河故名至樊城東入漢江

淳河在縣東三十里西流入漢江

黃龍港在縣東北四十五里東流入漢江

竹篠港在縣西北三十里西流入漢江

沙河港在縣南四十五里南流入漢江

土山港在縣南五十里東流入漢江

石牌港在縣西北三十里西流入漢江

金水港源發桃花嶺由檀溪至漢南五里入漢江

田塍港在縣東南三十里入漢江

隆盛港在縣東南四十里入漢江

五娘子洲在縣東五里漢江中

按安陸府志漢江在府治西上至襄陽七百里下至

沔陽七百里其江自北來經石城西南至沔陽漢陽

入于江水經云沔水自武都至樂城稱沔河口至此

方稱漢襄陽至沙羨又稱沔其實一水也今郢城上

邇宜城下至沔陽東岸逕鍾祥京山景陵三縣西岸

逕鍾荆潛沔四州縣境沔水逕故都縣南入境今荆

門界漢江北有縣故城南岸有石崖俗名石梁山山

上有臺即水經所謂南臨沔津津南有石山上有古烽火臺縣北有大城楚昭王爲吳所迫絕郢徙都者

也豐樂河注之又南逕石城即郡城又南十里爲瀾

馬灘世傳關將軍瀾馬于此南與白水合東南流逕

內方山東又東南會權口即古之權國也東南與陽

口合逕古雲杜縣東夏水從西來注之又東逕左桑

又東合區亮水口又東得合驛口又東謂之橫桑又

東謂之鄧潭又東得斷沔又東與力口合出境至漢

陽入于江

按鍾祥縣志漢水發源嶓冢匯諸支河由襄樊入郢

而渡大夫郢東西皆山田土磽确自北而南濱江兩

岸每夏秋水溢茫茫巨浸達于潛沔尤稱澤國乃築

長堤以禦水患

權水源出西蒙諸山逕太子岡會流爲曹將軍港逕

內方山東南流逕古權國城東南有那口城又東入

于沔陽水一名建水今名建陽河又名大曹河水本

龍陂合白中昏官二湖水逕太陽墻入于漢

按京山縣志漢水出隴西氏道縣嶓冢山初名漢水

東流至武都沮縣始爲漢水東南至葭萌與羌水合

至江夏安陸縣名沔水故有漢沔之名又東至竟陵

合滄浪之水又東過三澌水觸大別山南入于江京

山爲漢沔上游又邑境俱崇山疊嶂非川澤之區惟

西南一隅地濱漢流

澌水源出磨石山下納新市仙女洞泉澌泉逕景陵

縣界入于漢禹貢過三澌即此

平壩河在縣東北一百二十里源出太陽山東流爲

楊家河逕漢陽界入漢
富水河在縣東九十里源出關王嶺東流爲三汭河
石板河注之逕應城縣界入漢